



*Kultura, Kirola, Gazteria eta Euskara
Cultura, Deporte, Juventud y Euskera*

MUSKIZEN, 2025. URTEAN KIROL JARDUERA ETA EGITARAUAK EGITEKO DIRU-LAGUNTZA DEIALDIA IRABAZI ASMORIK GABEKO ELKARTE ETA NORBANAKOENTZAT

1. X E D E A

Deialdi honen xedea da urtean egiten diren jarduerak garatu eta egiteak eragindako gastuak arintzera bideratuta dauden diru-laguntzak eskuratzeko eta emateko baldintzak arautzea. Diru laguntza hauek honako hiru modalitate hauetan banatzen dira:

- 1.- Urteko kirol jarduerak.
- 2.- Kirol jarduera jakinak antolatzea.

Hemen azaldutako diru-laguntza modalitate batera baino gehiagotara aurkeztu nahi diren klub horiek modalitate bakoitzeko eskabide bana aurkeztu beharko dute.

2. AURREKONTUA

Muskizko Udaleko Kultura Sailak 81.000 €-ko aurrekontua dauka diru-laguntza hauetarako; kopuru horretatik 72.000 € urteko kirol egitarauak laguntzera bideratuko dira eta 9.000 €, kirol jarduera eta proiektu jakinetarako.

Urteko egitaraurako diru-laguntzak banatu ondoren diruren bat geratuko balitz erabilgarri, automatikoki gehituko zaio proiektu eta jarduera puntualak diruz laguntzeko ezarritako zenbatekoari, urte osoan eman baitaitezke.

3. O N U R A D U N A K

Diru-laguntzak hauek jaso ahalko dituzte Muskizen kokatuta dauden irabazi asmorik gabeko elkarte eta pertsonak, baldin eta indarrean dagoen legeriari jarraiki osatuak badaude, dagokien erregistroan izena emanda badute eta Muskizen kirol jarduerak antolatzen badituzte.

Berariaz baztertzen dira Ogasunarekin, Gizarte Segurantzarekin edo Muskizko Udalarekin zorrak dituzten erakundeen eta/edo pertsonen eskaerak.

4. DIRUZ LAGUNDU DAITEZKEENAK ETA BAZTERKETAK

Lagundu daitezkeen kontzeptuak: eskatzaileak antolatutako ekintzek eragindako gastuak: federazio gastuak, mutuak, epaile-lanak, joan-etorriak, ostatu eta jan-edanak (hala dagokionean), garaikurrak, arropa, materiala, hornikuntza eta kontratatutako zerbitzuak, aseguruak, publizitatea, bulegoa, botikina, lokal eta ekipamenduetako mantentze lanak eta abar.

Bazterketak: Espresuki laguntza honetatik kanpo daude honakoak:

- a) Bere izaera edo xedeagatik deialdi honi esleitutako jarduera eremuekin harreman zuzenik ez duten eskabideak.
- b) Diru-laguntza izenduna duten egitarauak eta Udal honetako beste laguntza batzuetan lotura egokiagoa edo zuzenagoa dutenak.
- c) Behar bezala adierazita ez dauden jan-edanak, PFEZ atxikipenik, BEZik edo indarrean dagoen kontraturik (hala dagokionean) aurkezten ez duten entrenatzaile, laguntzaile eta gisa horretakoei egindako ordainketak.
- d) Janari gastuak. Salbuespena: Bai onartuko dira janarietako fakturak, kirol probetako janari guneen kasuan; eta menuak, jarduerak Muskizetik ateratzea edo Muskizetik kanpo egotea eskatzen badu.
- e) Datu hauek argi adierazten ez dituzten fakturak: hornitzailea eta bere IFZ edo NAN, bezeroa (eskatzailea) eta bere IFZ edo NAN, kontzeptua, prezioa eta BEZa, hala behar denean.
- f) Kirolariei ordaindutako soldatak edo primak.
- g) Emakumeen aurkako indarkeria saihesteko daukan konpromisoaren barruan, Muskizko Udalak baztertu egingo ditu “sexuaren arabera pertsonak gehiagotzat edo gutxiagotzat edo objektu sexual huts modura aurkezten dituzten irudi eta eduki mediatikoak, bai eta indarkeria justifikatu, hutsaldu edo sustatzen dutenak, bereziki, emakumeen aurkako indarkeriaren kasuan.”

5. ESKABIDEAK AURKEZTEA

Laguntza hauek eskuratu nahi dituzten elkarteek eskabidea aurkeztu beharko dute, deialdi honi atxikitako ereduari jarraiki, **“Aurkeztu beharreko agiriak”** atalean zehaztutako datu eta dokumentuak gaineratuta.

Baldin eta aurkeztutako dokumentazioa osatu gabe badago edo oinarri hauek ezarritako baldintzak betetzen ez baditu, eskatzaileak hamar egun izango ditu dokumentazioa osatzeko edo okerrak zuzentzeko. Epe horretan horrelakorik egiten ez badu, eskatzaileak laguntzari uko egiten diola ulertuko da.

Nolanahi ere, aurkeztutako jarduera baloratze aldera, egingo den jarduerari buruzko agiriez gain, Udalak beharrezkotzat jotzen duen dokumentazio guztia eskatu ahalko die eskatzaileei.

6. EPEAK

Urteko egitarauak: Bizkaiko Aldizkari Ofizialean argitaratu eta biharamunetik, 15 egun natural.

Jarduera puntualak: Urriaren 31 arte.

7. BALORATZEKO ETA EMATEKO IRIZPIDEAK

Urteko egitarauak: Atal honek urteko egitarauetarako dagoen aurrekontua norgehiagoka araubidez banatuko du, hau da, onartutako eskabideen artean banatuko da, bakoitzak lortutako puntuekiko proportzionalki, muga hauekin:

a.- Laguntzaren zenbatekoa ezin da 15.000 € baino handiagokoa izan.

b.- Laguntzaren zenbatekoak ezin du gainditu aurkeztutako gastuen aurrekontuaren % 70a.

Bi kasuetan salbuespenak egon daitezke. Horrelakorik balego, banan-banan justifikatu beharko ditu deialdia egiten duen Sailak.

Eskaerak ondoko irizpideen arabera baloratuko dira, gehienez 100 puntu lortu daitezkeelarik:

1. Aurkeztutako jarduera edo egitarauaren aurrekontu osoa**70** punturaino
(Hasierako 2.000 € = 5 puntu,
hurrengoko 18.000 € = 1.000 €-ko, puntu bana
20.000 €-tik aurrera = 500 €-ko, puntu bana)
2. Federazio lizentzia kopurua.....**20** punturaino
(Lizentzia bakoitzeko 0,05 puntu)
3. Interes bereziko ekitaldi edo programak: (Muskizko Kultura Sailak bereziki sustatu nahi dituen jarduera, talde edo proiektuak bultzatzeagatik, Kultura Sailak elkarteei berariaz eskainitako jardueretan parte hartzea, edo espresuki urte jakin honetan izango diren ekitaldiak: urteurrenak, biltzarrak edo antzekoak)**10** punturaino

Jarduera jakinak:

Beren ezaugarri eta aurrekontuagatik elkarte eskatzailearen urteko ohiko programaziotzat hartzen ez diren ezohiko jarduerak izango dira. Atal honetako dirulaguntzaren zenbatekoa banan-banan baloratuko da, Kultura eta Kirol Sailaren arabera jarduera bakoitzak duen interesa kontuan hartuta.

Kasu honetan ez dute eraginik izango arestian aipatutako ebaluazio irizpideek ezta mugek ere; izan ere, eskaerak banan-banan baloratuko dira.

8. ERABAKIAK JAKINARAZTEA

Eskabideei buruzko erabakia hartutakoan, dagokion Sailak eskatzaile guztiei idatziz jakinaraziko zaie; eta, horren ondoren, egokitutako diru-laguntza kopuruak ordainduko zaizkie.

9. DIRU-LAGUNTZEN JUSTIFIKAZIOA ETA ITZULKETAK

Diruz laguntzen diren jarduera eta egitarauak diruz lagundutako egitarauaren hurrengo urteko urtarrilaren 31 baino lehenago justifikatu beharko dira.

Dirulaguntza baten zati bat edo osoa itzuli behar bada justifikazioa ez delako nahikoa edo zuzena, Muskizko Udalak eragindako pertsona edo erakundeei jakinaraziko die, eta 15 eguneko epea izango dute itzulketa hori egiteko. Ez da onartuko Udalarekin zor hori edo beste edozein dutenen dirulaguntza eskaerarik.

Diru-laguntza bat justifikatzeko aurkeztu beharreko dokumentazioa hauxe da:

- 1.- Aurkeztutako fakturen eta egiaztagirien zerrenda hurrenez hurren zenbakitua.
- 2.- Aipatutako gastuen fakturak.
- 3.- Diruz lagundutako jarduera edo egitarauaren azalpen eta balorazio memoria.
- 4.- Kartel, esku-orri eta editatu den bestelako publizitate guztia. Publizitatean Udalak diruz laguntzen duela agertu behar da.

GARRANTZITSUA: faktura edo dokumentu egiaztagirien zerrenda posta elektronikoz ere bidali beharko da kultura@muskiz.com helbidera, Excel edo antzeko artxibo batean.